



Buotsaitu

State Council for Education-Research & Training, Assam

Hming :

Pawl : Roll No. :

Inchûkna hmun :

Insuotu

Education Department, Assam, Kahilipara, Guwahati – 781019


THUHMAṬHUOI

Naupang kawng iengkima a'nṅhanglienna dingin boruok thlamuongum tak hnuoiah inhnel puma an inchûkna hi a poimaw hmasatak a nih. Khawsakdan hriselna, mi dang le inpawtaka inbiektuona, ṭawng inchûkna, sierkop tieng ngaituona le kawllekienga thilumhai hrietchiengna hi a poimaw nawk bawk a. Naupangin thiemna indiktak an hung neina dingin skul an kâI hma le skul an lût ṭantîr A-Pawl an ni sîng ngei hin beipui thlak a ngai takzet a, hi hi National Education Policy(NEP,2020) thiltum tak khawm a ni nghe nghe. Council(NCERT) ruohmanna ruohmanna chun Pre-Primary School-a naupang ipoimaw iengkim hi an hmu seng theina dinga theitawpa ṭhanglâk hi a nih. Naupangin a bula inthawk hmasawna sirbi an sir thei a ni chun an hung lien hnunga khom ruol an hung ban pei thei ding a nih, Chuleiin, a bula inthok an inchukna tluongtaka a fe thei chun, a hnunga inchuktirna le inchukna kawngah hlawtlingna ṭhatak an hung dawng ngei ding a nih. NEP hmu danah Primary School naupang tamtak chun thieminchukna le nambar hrietna tieng harsatna tamtak an tuok m êk zie a'n hmai nawh. Hmasawna dinga sin thaw ding riruongna le a hun taka thil an thaw thei pei a ni chun hmatieng an fe peina dingah nasatakin a ṭhangpui ngei beisei a nih. 'Vidya Pravesh' hi thiem inchûkna le nambar hrietna thilah ei ramsung ṭhuoina le meiser insittu a nih, India sourkar phalnain "Admission Module" hi naupang inchûk ṭantîrhai, tonhriet nei ta le la nei lohai a huom vong anih. Hieng anga inchuktirna, khawsunga hmangruo lakhawma sinthaw puma inchuktirna hin inchuktirtu khom inringzona a pek a, naupang ta ding khawma skul kai inhawkna neiin ṭitna nei lovin hlimtakin lekha a'nchûk pha thei a nih.

Hi inchûkna inbuotsaina khelah, sinthaw dan ziekna bu (Worksheet) hi inchûk ṭantîrhai (first Graders) hjmasawna thiltum, thiemna le inchukna rasuok ṭhatak an nei theina dinga thla thum (kâr 12) sunga dinga buotsai a nih. Hmun hran hrana ei lekhatiemhai le State Council for Edfucation- Research and Training(SCERT), Assam le District Education Training Institution (DIET) a lekhatiemhai hmalakna zarin hi lekha hi buotsai theiin a um ta a nih.

Ei naupanghaiin a tak ngeia hmasawna an hmu theina ding le hieng neka lekhabu changtlung lem ei nei pei theina dinga ngaidan le thurawn ṭha hai chu ienglaikhom lawmlût zing a nih.

(Dr. Nirada Devi)



Director,
State Council of Education Research and Training, Assam

Inchûktirtuhai kuoma thucha

Thieminchûkna dinga inbuotsaina thla thum (kâr 12) sênga dinga remruotna hi inchûktirtu chun naupang pawl hmasatak hai ipoimaw angin, a khawsung boruok le hermilin a' nchûktir ding a nih. 'Thla thum sênga skol inbuotsaina le inkeithuoi dan' chu phêk 12-35 sung a khawm hmu thei a nih.

Hi inkeithuoidan tlangpui chu sin thawpui ding ruohmanna, naupang ngirhmun ena a hmasawn dan enkâipui, naupang inchuknaah nulepahai thang vena, inchuktirtu le enkaituhai kârtin amanih nitina an sinthaw ve ding dinghai lo remruotpuina a nih.

Naupanghai sinthawna dinga l;ampui tha an kawkhmu theina dingin inchuktirtu chun a hnuoia hai hi a zawm ve ngei a tûl a nih.

- Thla thum (kâr 12)-aw ruohmanna hi hmasawna thiltum, thiemna le inchukna rasuokhai a hlawtling ngei theina dingia siem a nih. (Appendix-1 of Education).
- A chung a thiltum 3 ei hril hai laia pakhat bêk naupangin nitinin a nei ngei beisei a nih.
- Hi ruohmanna hin nitin le kârtina an sin thaw dinghai suklang a nih (Phek 12-35).
- Hotuin sinthaw dinga a lo riruong le naupangin a thaw dinga a lo riruonghai a um thei a, pawla thaw chi le makhâta thaw chi bâkah pawl tlawmtea thaw chi hai a um thei baw. Chuonghai chu inkawkal lova sin an thawthei sengna dingin hotu chun a relfel ding a nih.
- Hi ruohmanna hi a hlawtling ngei theina dingin, hi sinthawna lekhabu hi naupang ipoimaw dungzuia buotsai a nih.
- Inchuktirna dinga inbuotsaina tan a ni hmain, hmangruo hmang dinghai iengzat man am a ni ding/ tihai khom lo ngaituo lawk a tûl a. Sinthawna lekhabu khawm a nambar inchik diem a ni baw.
- Sengso a tam nawna dingin hieng- thinghna, thinghawng, lungte et chai hi hmangrawn ding a nih.
- Khuosunga awlsamtaka hmu thei zawngpui le naupang insukpal theina ding lakah an him thei dan ngaituo rawh.
- Sinthawna ding hran hranah naupang an thangkim theina ding hi a poimaw a. Naupanghai mamaw chu CWSN in ngaituopek a ta, ruolbanlohai khom ngaisak bîk ni baw an tih.
- Naupangin lekha inchûk puma sin an thaw zingna hin, hun sawttak dai ding thiemna an nei pha ngei ding a nih
- Naupang inhnik zawng-lunglût zawng chu nitin amanih kârtina sinthawna a khan thataka ngaituo a lo siemrem ding a nih.

- Nitina sinhawna dinghai a hlawtling ngei theina dingin chibai inbûkna, inkokhawma thuhriil tlangna dam neipui hlawk ding a nih. Chun, zalentaka inhnelna, puotienga inhnelna, inthlana hunser hmang, bufak tlangna dam neiin tawng inchûkna dam le nambar hriet rawn in-elnhai dam hi uorpui ding a nih.
- Thlatina an hmasawn dan inchikna, thla thum sunga mi chu ‘*Monthly Assessment Outline*’ (Appendix-2) a sie a ni a, chiengtaka hriet thei dinga hrethat a nih. Naupangin iengang takin am a’chûk a? ti hriet theina a nih.
- Thiemna inkhina voithumna chen a zo pha leh, hmasawn dan inchikna/inkhina chu himtaka siethat ning a ta, hmatieng peiah a tawngkaina a la um ding a nih. Chubâkah, a tonhriethai chu nulepa le enkâitu hai khawma an hmupui kha a poimaw emem a nih.

Sinhawna Lekha chungchâng :

Hi lekha hi hmasawna thiltum, thiemna le inchûkna rasuok skul a kai hlima inthawka zieklûtna a ni leiin a poimaw hle a nih. Sinhawna lekha hin nitina naupanghai thaw dinghai chu inchuktirtu keithuoina dingin suklang pei a ni a. Hi inkeithuoina bu hin inchuktirtu’n naupang kong tinrenga a hmasawna dingin fimkhurtaka tiemin a thawpui ngei ding a nih. Inchuktirtu chun naupanghai sin a thawpuinaah hi dânhai hi a zawm naw chun, hi thiemna thiltum hi a hlawsam hle ding a nih.

- ☞ Naupang chu hmangai le duottaka sinhawnaa keithuoi ding an nih. Lim dang dang inentir ning an ta, an hminghai hril kher a ngai nawh.
- ☞ Naupanghai chu Calendar hlui, lekhapuon ngar, lekhabu etc. haiah thillim inziektir la, an inchik nuomhai khom chutaka chun inziektir rawh.
- ☞ Hotu chun ama thurawt chau nilovin naupang nuomzawng sinhai khom thawpui sien, amiruokchu sin dang leh a’nkawkal ding an nawh.
- ☞ Hla le thuchânghai naupangin a sak/ a tiem lain a bu en lo ding a nih. Hotu khoma thu le hla sak ve sien, naupanghai chu a thawdan enton dingin hril raw seh.
- ☞ Sunhâng inchuk tikttek (dot) hai an ziekmatai in, thalkibâr lim zuiin ankutin voitieng anthok changtieng fe peiin ziek raw hai seh.
- ☞ Naupanghai milim ziek an inhnik theina ding le an zongsak theina dingin hotu chun inpak pumin inchuktir a tih.
- ☞ Naupanghai chu inbiektlangna a an tawng theina dingin indonna tawite te siemin indon hlawk ding a nih.
- ☞ Thil hriltlangna le inbiektuonaah an tawngkim nei ding a nih.

- ☞ Sinhawna lekhabu a umlo milim, dang lakhawm la, naupanghai chu, chu milim thu chu hrihpui rawh.
- ☞ Naupanghai chu an nuom nuom indonna siem dingin hrihpuk rawh.
- ☞ Sinhawna lekhabua infuina thuhai hi an zawm ngei ding a nih.
- ☞ Naupanghai sinhawnahai seng inchikna le zieklutna chu himtaka sieṭhat ding a nih.

**NAUPANG RUOL BANLO
 DEUHAI
 CHU AN SINTHAWNA AH
 ṬHANGPUI RAWH**

NAUPANG SKUL A KAI HMASATAK NI A INTHAWK, A
 NITIN HUN

HMANG DAN DING LUNGVAR ṬHATAK IN NEITIR
 RAWH.

ṬUL LO-BAKSAKA THIL THAW LO DINGIN INFUILA,
 A KAWLVELA THILUMHAI HRIETCHIENGNA NEIIN;
 HIENG- A THLAWNA TUI HMANGRAL LO DING,
 MEIVAR LE HMAIZAP THAT HUN HRIET DING.

CALENDAR RUOLA LIEN LEKHAPUONAH
 ZIEKIN TAR RAWH, A LIMHAI LEH.